

ხელშეკრულება №111

სახელმწიფო შესყიდვის შესახებ

ქ. ბათუმი

„6“ ოქტომბერი 2017 წელი

ერთი მხრივ, ა(ა)იპ ბათუმის საბავშვო ბაღების გაერთიანება შემდგომში - „შემსყიდველი“, წარმოდგენილი მისი დირექტორის - ნატალია ზაქარეიშვილის სახით და მეორე მხრივ, სსიპ „ბათუმის შოთა რუსთაველის სახელმწიფო უნივერსიტეტი“ შემდგომში - „მიმწოდებელი“, წარმოდგენილი მისი ადმინისტრაციის ხელმძღვანელის ჯემალ ანანიძის სახით სახელმწიფო შესყიდვების შესახებ საქართველოს კანონმდებლობისა და მიმწოდებლის სატენდერო წინადადების საფუძველზე, **SPA170011443** ელექტრონული ტენდერის ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს: ა(ა)იპ „ბათუმის საბავშვო ბაღების გაერთიანების“ მუშაკთა სამ დღიანი (15 საათიანი) ტრენინგ კურსის ჩატარება თემაზე: ბავშვთა უფლებებისა და ძალადობის მსხვერპლ ბავშვთა დაცვის მექანიზმები- ძალადობის სახეები და პრევენცია. (CPV - 80500000) (შემდგომში - „მომსახურება“);

1.2 გადასამზადებელ პირთა თანამდებობა, პროგრამის დასახელება, შემსყიდველის მიერ შეთავაზებული მინიმალური სატრენინგო საკითხები, მიმწოდებლის მიერ შეთავაზებული დამატებითი საკითხები და პროგრამაში წარმოდგენილი ტრენერები განისაზღვრება დანართი N-ით, სატრენინგო პროგრამა;

1.3 გასაწევი მომსახურების ერთეულისა და საერთო ფასები განისაზღვრება დანართი N2-ით, სატრენინგო და სასერტიფიკაციო მომსახურების ხარჯთაღრიცხვა

1.3 ტრენინგისა და სასერტიფიკაციო გამოცდის ჩატარების ვადები განისაზღვრება დანართი N3-ით, ტრენინგისა და სასერტიფიკაციო გამოცდის ჩატარების გრაფიკი;

2. ხელშეკრულების ღირებულება

2.1 ხელშეკრულების საერთო ღირებულება შეადგენს **21914,52** (ოცდაერთათასცხრასათოთხმეტი და 52) ლარს.

2.2 ხელშეკრულების საერთო ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

2.3 პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული სხვა დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად.

3. ანგარიშსწორების ფორმა და ვადები

3.1 მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში (ლარი).

3.2 მიმწოდებელთან ანგარიშსწორება შემსყიდველის მიერ განხორციელდება ეტაპობრივად, გაწეული მომსახურების შესაბამისად, მიმწოდებლის მიერ საგადასახადო ანგარიშშეჯამების (არსებობის შემთხვევაში) წარმოდგენისა და მიღება-ჩაბარების აქტის გაფორმების შემდეგ, არაუმეტეს თვეში ერთჯერ.

4. გაწეული მომსახურების მიღება-ჩაბარების წესი

4.1 მომსახურების მიღება ფორმდება საბოლოო მიღება-ჩაბარების აქტით, რომელიც დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

5. მომსახურების ვადა, ადგილი და ფორმა

5.1 მომსახურების გაწევა უნდა განხორციელდეს ხელშეკრულების დადებიდან 2017 წლის 25 (ოცდახუთი) დეკემბრამდე;

5.2 მომსახურების გაწევის ადგილია ქ.ბათუმი;

5.3 ტრენინგისთვის შესაბამისი ფართის გამოყოფას (მიმწოდებლის სურვილის შემთხვევაში) უზრუნველყოფს შემსყიდველი.

5.4 შემსყიდველი უფლებამოსილია საჭიროების შემთხვევაში ხელშეკრულებით განსაზღვრული მომსახურების მოცულობა არ აითვისოს სრულად;

6. ტექნიკური პირობები

6.1 მიმწოდებელმა უნდა უზრუნველყოს ააიპ „ბათუმის საბავშვო ბაღების გაერთიანების“ 548 (ხუთსორმოდარვა) თანამშრომლის კვალიფიკაციის ამაღლება და გადამზადება ახალი პროფესიული სტანდარტებისა და სტრატეგიების შესაბამისად;

6.2 მომზადების პროგრამა შედგენილი და განხორციელებული უნდა იქნას ქართულ ენაზე და უნდა მოიცავდეს ცოდნის დონის ამაღლებას.

6.3 ტრენინგები უნდა იყოს მაქსიმალურად ინტერაქტიული, მოდულირების პრინციპზე აგებული;

6.4 სასწავლო პროგრამა უნდა შედგებოდეს:

- თეორიული მასალისაგან - 50%;
- პრაქტიკული სავარჯიშოებისაგან - 30%;
- სიტუაციური დავალებებისაგან - 20%;
- ასევე სემინარების ვიზუალიზაციისთვის სასურველია გამოყენებული იქნეს პრეზენტაციები;

6.5 მიმწოდებელმა უნდა უზრუნველყოს ყველა მონაწილისათვის სატრენინგო მასალების მიწოდება და შესაბამისი ხელმძღვანელი რგოლისათვის ტესტირებისა და ტრენინგების შეფასების (Feedback) ფინალური ანგარიშის მომზადება;

6.6 ტრენინგების მიმდინარეობისას მიმწოდებელმა უნდა უზრუნველყოს მსმენელებისათვის შესვენების დროს მცირე სამხარის (ყავა/ჩაი, ხაჭაპური/სენდვიჩი) მიწოდება, რომლის ღირებულება ჩათვლილი უნდა იყოს სატენდერო წინადადების ფასში;

6.7 სასწავლო კურსი უნდა დასრულდეს სასერტიფიკაციო გამოცდით და იმ პირებზე, რომლებიც წარმატებით ჩააბარებენ აღნიშნულ გამოცდას, უნდა გაიცეს შესაბამისი სერტიფიკატი;

7. მხარეთა უფლება-მოვალეობები

7.1. შემსყიდველი უფლებამოსილია:

7.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.1.2. მომსახურების გაწევის დასრულებამდე გამოითხოვოს მიმწოდებლისგან მომსახურების გაწევასთან დაკავშირებული მისთვის საჭირო დოკუმენტი.

7.2. შემსყიდველი ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

7.2.2. უზრუნველყოს გაწეული მომსახურების მიღება.

7.3. მიმწოდებელი უფლებამოსილია:

7.3.1 მიმწოდებელს უფლება აქვს მოსთხოვოს შემსყიდველს გაწეული მომსახურების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

7.4. მიმწოდებელი ვალდებულია:

7.4.1. დაიცვას ხელშეკრულებით გათვალისწინებული ყველა პირობა.

7.4.2. გაუწიოს მომსახურება სათანადო ხარისხითა და სრული მოცულობით, იმ ვადაში, რომელიც განსაზღვრულია ამ ხელშეკრულებით.

8. ხელშეკრულების შესრულების კონტროლი

8.1 ხელშეკრულების შესრულების კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.2 ხელშეკრულების შესრულების კონტროლს განახორციელებს შემსყიდველი ორგანიზაცია, მის მიერ დანიშნული წარმომადგენლ(ებ)ი.

8.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური

საშუალებების გამოყოფა, ასევე უზრუნველყოს საჭირო სამუშაო პირობები . იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს , მის შრომის ანაზღაურებას უზრუნველყოფს თვითონ შემსყიდველი ორგანიზაცია თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს წერილობითი ფორმით.

10. ხელშეკრულების პირობების შეუსრულებლობა

10.1 მიმწოდებლის მიერ ხელშეკრულებითა და ელექტრონულ ტენდერში **SPA170011443** ნაკისრი ვალდებულებების შესრულების ვადის გადაცილების შემთხვევაში დაეკისრება პირგასამტეხლო, ყოველ ვადაგადაცილებულ დღეზე ხელშეკრულების საერთო ღირებულების 0,05%-ის ოდენობით;

10.2 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.3 ხელშეკრულებით ნაკისრი ვალდებულებების შეუსრულებლობის ან/და არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5 %-ის ოდენობით.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შეწყვეტა

12.1 წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა გონივრული ვადა.

12.2 ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

12.3 შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლის ან/და ზიანის ანაზღაურება.

12.4 მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

13. დავების გადაწყვეტა

13.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

14. დაუძლეველი ძალა

14.1 მხარეები თავისუფლდებიან ხელშეკრულებით გათვალისწინებული ვალდებულებების შესრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14.3 თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

15. სხვა პირობები

15.1 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ერთი შემსყიდველს.

16. ხელშეკრულების მოქმედების ვადა

16.1 წინამდებარე ხელშეკრულება ძალაშია: 2017 წლის 6 ოქტომბრიდან - 2018 წლის 25 იანვრამდე;

17. მხარეთა რეკვიზიტები

შემსყიდველი:

ა(ა)იპ „ბათუმის საბავშვო ბაღების გაერთიანება“

მის: ქ. ბათუმი, პ. მელიქიშვილის ქ N42

საიდენტიფიკაციო კოდი: 445 393 510

სახელმწიფო ხაზინა

TRESGE22

ა/ნ 740737005

ნატალია ზაქარეიშვილი

მიმწოდებელი:

სსიპ „ბათუმის შოთა რუსთაველის სახელმწიფო უნივერსიტეტი“

მის: ქ. ბათუმი, რუსთაველი/ნინოშვილის 32/35

საიდენტიფიკაციო კოდი: 245 428 158

სახელმწიფო ხაზინა

ბანკის კოდი: TRESGE22

ა/ნ 709017263

ჯემალ ანანიძე

დანართი 1

სატრენინგო პროგრამა

N	გადასამზადებელ პირთა თანამდებობა	პროგრამის დასახელება	შემსყიდველის მიერ შეთავაზებული მინიმალური სატრენინგო საკითხები	მიმწოდებლის მიერ შეთავაზებული დამატებითი საკითხები	პროგრამაში წარმოდგენილი ტრენერის გვარი, სახელი
1	საბავშვო ბაღის გამგე	ბავშვთა უფლებებისა და ძალადობის მსხვერპლ ბავშვთა დაცვის მექანიზმები-ძალადობის სახეები და პრევენცია	1. ბავშვის ცნება. არსებული მიდგომები და მექანიზმები საქართველოში ბავშვთა სრულფასოვანი განვითარებისათვის; 2. ბავშვთა უფლებების დაცვის შიდა და საერთაშორისო სამართლებრივი სტანდარტები. 3. ძალადობა, მისი ფორმები, შედეგები და პრევენციის მექანიზმები. 4. ოჯახში და მის გარეთ ბავშვთა ძალადობის ყველა ფორმისგან დაცვის მიმართვიანობის (რეფერირების) პროცედურები. 5. ძალადობის შემთხვევების იდენტიფიკაცია. ფორმები და ნიშნები. 6. ოჯახში ძალადობის პრევენცია. გამოვლენისა და აღკვეთის მექანიზმები. 7. საქართველოს კანონის „ადრეული სკოლამდელი აღზრდისა და განათლების შესახებ“. სახელმწიფო ორგანოების, მუნიციპალიტეტების, სხვა იურიდიული პირებისა და ფიზიკური პირების უფლება-მოვალეობები, ვალდებულებები, ფუნქციები და პასუხისმგებლობა.	1. ბავშვზე ძალადობის გამომწვევი და ძალადობისგან დამცავი ფაქტორები; 2. ბავშვზე ძალადობის გამოვლენა; 3. როგორ დავიცვათ ბავშვო ძალადობისგან; 4. ვის ეკისრება პასუხისმგებლობა ძალადობის გამოვლენის შემთხვევაში; 5. მულტისექტორული პასუხისმგებლობა ძალადობისგან ბავშვის დაცვაზე; 6. ბავშვთა ბავშვთა ბავშვის მნიშვნელობა, უსაფრთხო ბავშვის განვითარებაზე ორიენტირებული გარემოს დაგეგმვა, განსაკუთრებული საჭიროების მქონე ბავშვების მხარდაჭერა, მათი უფლებების დაცვა, სკოლამდელ დაწესებულებაში; 7. ბავშვთა უფლებების დაცვის საერთაშორისო რეგულაციები, ბავშვის უფლებათა დეკლარაცია, ევროპული კონვენცია ბავშვის უფლებათა შესახებ, 8. საქართველოს კანონმდებლობით აღიარებული ბავშვის უფლებების დაცვის მინიმალური გარანტიები, რეგულაციები, მექანიზმები; 9. ბავშვი სპეციფიკური უფლებები; 10. ბავშვთა უფლებები მართლმსაჯულების ისტემამი და სხვა;	ნანა მაკარაძე, მარიამ მგელაძე (ასისტენტი), მარეხი მგელაძე, თამთა ინწკირველი, ნანი მამულაძე
2	საბავშვო ბაღის უფროსი აღმზრდელი				
3	საბავშვო ბაღის აღმზრდელი				
4	საბავშვო ბაღის ფსიქოლოგი				




დანართი №2

სატრენინგო და სასერტიფიკაციო მომსახურების ხარჯთაღრიცხვა					
N	გადასამზადებელ პირთა თანამდებობა	მსმენელთა რაოდენობა	ტრენინგის ერთეულის ფასი (ლარი)	კვების ერთეულის ფასი (ლარი)	საერთო ფასი (ლარი)
1	საბავშვო ბაღის გამგე	32	34,99	5	21914,52
2	საბავშვო ბაღის უფროსი აღმზრდელი	32			
3	საბავშვო ბაღის აღმზრდელი	452			
4	საბავშვო ბაღის ფსიქოლოგი	32			
ჯამი		548			




დანართი N3

ტრენინგისა და სასერტიფიკაციო გამოცდის ჩატარების გრაფიკი

N	ჯგუფების დასახელება	ტრენინგის ჩატარების ვადა		სასერტიფიკაციო გამოცდის ჩატარების ვადა	
		დაწყება	დასრულება	დაწყება	დასრულება
1	I	07.10.2017	08.10.2017	09.10.2017	09.10.2017
2	II	07.10.2017	08.10.2017	09.10.2017	09.10.2017
3	II	14.10.2017	15.10.2017	16.10.2017	16.10.2017
4	IV	14.10.2017	15.10.2017	15.10.2017	15.10.2017
5	V	21.10.2017	22.10.2017	23.10.2017	23.10.2017
6	VI	21.10.2017	22.10.2017	23.10.2017	23.10.2017
7	VII	28.10.2017	29.10.2017	30.10.2017	30.10.2017
8	VIII	28.10.2017	29.10.2017	30.10.2017	30.10.2017
9	IX	04.11.2017	05.11.2017	06.11.2017	06.11.2017
10	X	04.11.2017	05.11.2017	06.11.2017	06.11.2017
11	XI	11.11.2017	12.11.2017	13.11.2017	13.11.2017
12	XII	11.11.2017	12.11.2017	13.11.2017	13.11.2017
13	XIII	18.11.2017	19.11.2017	20.11.2017	20.11.2017
14	XIV	18.11.2017	19.11.2017	20.11.2017	20.11.2017
15	XV	25.11.2017	26.11.2017	27.11.2017	27.11.2017
16	XVI	02.12.2017	02.12.2017	02.12.2017	02.10.2017
17	XVII	09.12.2017	10.12.2017	11.12.2017	11.10.2017
18	XVIII	16.12.2017	17.12.2017	18.12.2017	18.10.2017
19	XIX	23.12.2017	24.12.2017	25.12.2017	25.10.2017